



COMUNU DE SEULU

(*Provintzia de Casteddu*)

Alliongiau A) a sa determinatzioni de su Setori Amm.vu n. 172 de su 25/07/2013

BANDU
PÙBLICU PO SU RIMBURSU DE IS ISPESAS DE BIÀGIU PO IS
ISTUDIANTIS PENDULARIS RESIDENTIS IN SU COMUNU DE SEULU
CHI IN S'ANNU ISCOLÀSTICU 2012/2013 APANT FRECUENTAU UNU
ISTITUTU SUPERIORI DE SEGUNDU GRADU IN COMUNUS DIVERSUS
DE SU DE RESIDÈNTZIA

SU RESPONSABILIS DE SU SETORI

BIA sa lei regionali de su 25 de làmpadas 1984 n. 31 cun is modificas e integrazionis benias infatu;

BIA sa deliberatzioni de sa Giunta Comunali n° 73 de su 03/07/2013 chi amitit is critèrius po su rimbursu de is ispesas de biàgiu po is istudiantis chi tenint residèntzia in su Comune de Seulu e chi in s'annu de iscola 2012/2013 ant frequentau is Iscolas Pùblicas secundàrias de II gradu in Comunus diversus de su de residèntzia;

BIA sa determinatzioni n. 172 de su 25/07/2013 innui, segundu is critèrius detzìdius de sa Giunta Comunali in sa delìbera n. 73 de su 03/07/2013 s'est aprovau su bandu pùblicu paris cun su mollu po sa domanda;

FAIT ISCIRI

ART. 1 – DESTINATÀRIUS DE SU RIMBURSU

Podint fai domanda po su rimbursu de is ispesas de biàgiu is istudiantis pendularis chi tènigiant sa residèntzia in su Comune de Seulu e chi in s'annu iscolàsticu 2012/2013 apant frequentau unu Istitutu de Istruzioni Secundària in Comunus diversus de su de residèntzia, e is istudiantis de is iscolas de s'òbrigu cun residèntzia a prus de 2 Km atesu de sa bidida.

ART. 2 – CRITÈRIUS PO SU RIMBURSU

Su rimbursu si referit a ispesas cuncretas e documentàbilis fatas de chini presentat sa domanda. Su rimbursu at a èssiri fatu cunformas a su percursu chi serbit po l'òmpiri a s'iscola prus apresu chi siat de sa matessi calidadi de cussa sceberada de s'istudianti. Chi s'istudianti sceberat s'iscola prus atesu su rimbursu at a èssiri paris a cussu po su percursu prus curtzu.

Su rimbursu de is ispesas fatas umperendi mèdius privaus at a essi possìbili feti in ammanco de cullegamentus pùblicos e su tanti de rimbursu chi at a ispetai at a essi oguali a su tanti chi ispetat po su mèdiu pùblicu.

Podint pigai parti a su bandu is chi po s'annu 2012 tènigiant una Situatzioni Econòmica ISEE prus bàscia opuru oguali a € 15.000,00.



COMUNU DE SEULU

(*Provintzia de Casteddu*)

ART. 3 – MODUS PO PIGAI PARTI

Po pòdiri pigai su rimbursu is interessaus ant a presentai sa domanda umperendi su mòdulu a disponimentu in s'Ufitziu de su Protocolu aintru de sa scadèntzia de su 30/08/2013.

Sa domanda at a èssiri acumpangiada de:

- atestazioni ISEE po is rèdditus de s'annu 2012 chi siat fata de unu Centru Autorizau po s'Assistèntzia Fiscali (CAAF);
- còpia de su certificau de frequèntzia;
- còpia de is documentus ùtilis po ammostai ca is ispesas po su trasportu funt stètias fatas deaveras (abbonamentus, billetus o atrus documentus bàlidus).

Is domandas de rimbursu, cun is alliongius pedius innoi in susu, s'ant a pòdiri cunsenniai a manu a s'Ufitziu Protocolu de su Comune, aintru de sa scadèntzia previdia, o lòmpiri a mesu de posta cun racumandada A.R. a custu indirittu: Comune di Seulo – Piazza del Popolo n. 3 – 08030 SEULO.

S'avisat ca no at a fai fidi su timbru postali de sa partèntzia ma de sa dia chi sa domanda de rimbursu erribbat a s'ufitziu de su protocolu de su Comune.

ART. 4 – CÀUSAS DE ESCLUSIONI

Est possìbili a èssiri esclùdius po custas arrexonis:

- gèpidus de s'interessau e/o de is cumponentis de sa famìllia nomenaus in sa decrarazioni ISEE, po no ari pagau servìtzius gestius de su Comune;
- situazioni econòmica ISEE prus arta de € 15.000,00
- presentazioni non cumpleta de is documentus chi serbint (datus, decrarazioni sostitutiva ùnica, abbonamentus, decrarazioni de ispesa);
- presentazioni de is domandas foras de sa scadèntzia, est a nàrriri a pustis **de su 30/08/2013**;
- domandas innui ddoi siant decrarazioni frassas.

ART. 5 – FORMATZIONI DE SA GRADUATÒRIA

Su chi spetat po su rimbursu at a dipèndiri de su chi ddoi est a disponimentu e de su nùmeru de is istudiantis chi presentant sa domanda po su rimbursu e at a èssiri detzìdiu a s'ghiri cun delìbera de Giunta Comunali pighendi in cunsideru custas fàscias ISEE:

- fàscia A: ISEE de € 0 a € 4.880,00;
- fàscia B: ISEE de € 4.881,00 a € 9.760,00;
- fàscia C: ISEE de € 9.761,00 a € 15.000,00;

A pustis chi sa giunta at a ari determinau is percentualis po su rimbursu de pratziri segundu su tanti a disponimentu e cunformas a is fàscias diferentis, s'ufitziu de is servìtzius sotzialis at a fai sa graduatòria de is chi tenint deretu a su rimbursu paris cun su tanti chi ddis at a ispetai, e chi at a èssiri publicada in s'Albu po 10 diis.



COMUNU DE SEULU

(*Provintzia de Casteddu*)

Funt amìtius recursus contras a sa graduatòria e preguntas de aderetzai erroris o fartas chi si ddoi ant a pòdiri agatai faendi arreferimentu a s' Amministratzioni aintru de sa data de iscadèntzia iscrita in sa graduatòria. Passau cussu tempus s'elencu de is chi tenint deretu a su rimbursu paris cun su tanti chi ddis at a ispetari at a diventai definitivu. Su Servìtziu Sotziali s'at a ocupai de sa determinatzioni po sa licuidatzioni de is rimbursus a is beneficiàrius.

ART. 6 – INFORMATIVA PO S'AMPARU DE IS DATUS PERSONALIS

In ubidièntzia a s'artìculu 13 de su D.Lgs 30/06/2003 n. 196 e in cunseguèntzia de su protzedimentu po su cuncursu nomenau in susu, si comùnicat ca is datus personalis ant a èssiri manigiaus de custu enti, in arrespetu de sa lei nomenada e po is finalidadis istitutzionalis chi pertocant s'atividadi de s'enti e su procedimentu de su bandu.

Custus datus ant a èssiri allogaus segundu sa manera previdia de su D.Lgs 196/2003 in sa sedi de su Comunu de Seulu in archìviu a paperi e informatizau.

Su de lassai custus datus est òbrigu po sa valutatzioni de is requisitus po pigai parti a su bandu, pena s'esclusioni.

Is chi pedint su rimbursu po is ispesas iscolàsticas de biàgiu ant a pòdiri pediri in dònna momentu de pònniri in pràtiga is deretus de s'art. 7 de su D.Lgs nomenau e chi pertocat fintzas e su deretu de acèdiri a is datus personalis e a ddus mudai.

ART. 7 - PAGAMENTU DE IS RIMBURSUS

Su cuberu de s'òrdini de pagamentu at a dipèndiri de sa mancàntzia de gèpidus in su pagamentu de is servìtzius cuncèdius de su Comunu.

Su Responsàbili de su procedimentu
Dott.ssa Maria Silvia Marci

Su Responsàbili de su setori
Sig. Dario Loddo